




Bosnia and Herzegovina
Federation of Bosnia and Herzegovina
CANTON SARAJEVO
Cantonal Administration for Inspection Issues

Broj: 14-02-04-06279/25
Datum: 04. 12. 2025. godine



BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
SKUPŠTINA KANTONA SARAJEVO
ul. Reisa Dž. Čauševića br. 1
71000 Sarajevo
N/r Elvedin Okerić, predsjedavajući

PREDMET: Odgovor na zastupničku inicijativu, dostavlja se;
VEZA: Vaš akt, broj: 01-04-53704-9/25 od 14.11.2025. godine

Vašim aktom broj i datum veze, dostavili ste na nadležno postupanje Kantonalnoj upravi za inspekcijske poslove Kantona Sarajevo zastupničku inicijativu zastupnice Marijele Hašimbegović, upućenu na 26. radnoj sjednici Skupštine Kantona Sarajevo, održanoj dana 14.11.2025. godine, a koja glasi: "

Upućujem inicijativu radi vršenja inspekcijskog nadzora nad radom Ministarstva za odgoj i obrazovanje KS i JU Institut za razvoj preduniverzitetskog obrazovanja KS u predmetu izrade izmjena Nastavnih planova i programa i uvođenja novih zanimanja u srednjim školama.

Tražim hitnu obustavu svih aktivnosti po pitanju izrade novih prijedloga Nastavnih planova i programa (NPP), vraćanje u zakonske okvire i otvaranje dijaloga sa stručnim aktivom. Inicijativa je pokrenuta radi utvrđivanja povrede člana 117. Zakona o odgoju i obrazovanju u osnovnoj i srednjoj školi u Kantonu Sarajevo tokom procesa izrade izmjena Nastavnih planova i programa i uvođenja novih zanimanja u srednjim školama..."

U skladu sa upućenom inicijativom, obavještavamo Vas da Kantonalna uprava za inspekcijske poslove Kantona Sarajevo nije nadležna za postupanje u konkretnoj stvari, te je postupajući po dostavljenoj inicijativi glavni kantonalni inspektor prosvjetne inspekcije donio Zaključak, broj: 14-12-34-06300/25 od 02.12.2025. godine, koji Vam u prilogu ovog akta dostavljamo.

Dostavljeno:

1. Naslovu
2. Premijer Vlade Kantona Sarajevo
3. Sekretar Skupštine Kantona Sarajevo
4. Sekretar Vlade Kantona Sarajevo
5. a/a





Bosnia and Herzegovina
Federation of Bosnia and Herzegovina
CANTON SARAJEVO
Cantonal Administration for Inspection Issues

Broj: 14-12-34-06300/25

Datum: 02.12.2025. godine

Na osnovu člana 65. stav (4) Zakona o upravnom postupku FBiH ("Službene novine Federacije Bosne i Hercegovine", broj 2/98, 48/99, 61/22), glavni kantonalni inspektor Inspektorata prosvjetne inspekcije Kantonalne uprave za inspekcijske poslove Kantona Sarajevo d o n o s i

ZAKLJUČAK

ODBACUJE SE Zahtjev Marijele Hašimbegović zastupnice u Skupštini Kantona Sarajevo, za vršenje inspekcijskog nadzora nad radom Ministarstva za odgoj i obrazovanje Kantona Sarajevo i JU Instituta za preduniverzitetsko obrazovanje, zbog **NENADLEŽNOSTI**.

O b r a z l o ž e n j e

Kantonalna uprava za inspekcijske poslove Kantona Sarajevo, Inspektorat prosvjetne inspekcije zaprimio zastupničku inicijativu zastupnice Marijele Hašimbegović kojom se traži vršenje inspekcijskog nadzora nad radom Ministarstva za odgoj i obrazovanje Kantona Sarajevo i JU Instituta za preduniverzitetsko obrazovanje u predmetu izrade, izmjena Nastavnih planova i programa i uvođenja novih zanimanja u srednjim školama.

Članom 3. Zakona o prosvjetnoj inspekciji ("Službene novine Kantona Sarajevo" 9/2000) pripisano je da kantonalni prosvjetni inspektori vrše poslove prosvjetne inspekcije u odgojno-obrazovnim ustanovama.

Također, članom 131. stav 4. Zakona o odgoju i obrazovanju u osnovnoj i srednjoj školi u Kantonu Sarajevo ("Službene novine Kantona Sarajevo" broj 27/24) propisano je: *Inspekcijski nadzor iz stava (1) ovog člana nad provođenjem ovog zakona, podzakonskih i općih akata iz oblasti odgoja i obrazovanja i s tim u vezi preduzimanje odgovarajućih mjera vrše inspektori u skladu sa zakonom.*

U skladu sa citiranim zakonskim odredbama jasno je da kantonalni prosvjetni inspektori vrše inspekcijski nadzor u ustanovama odgoja i obrazovanja i to: predškolskim, osnovnim i srednjim ustanovama obrazovanja, samim tim nisu nadležni da vrše inspekcijski nadzor nad radom resornog ministarstva odnosno Ministarstva za odgoj i obrazovanje Kantona Sarajevo, niti JU Instituta za razvoj preduniverzitetskog obrazovanja Kantona Sarajevo.

Članom 65. stav (4) Zakona o upravnom postupku FBiH ("Službene novine Federacije Bosne i Hercegovine", broj 2/98, 48/99, 61/22), propisano je: *Kad organ poštom dobije podnesak za čiji prijem nije nadležan, a poznato mu je koji je organ nadležan za prijem, poslat će podnesak bez*

odgađanja nadležnom organu, odnosno sudu i o tome će obavijestiti stranku. Ako organ koji je dobio podnesak ne može da utvrdi koji je organ nadležan za rad po podnesku, donijet će bez odlaganja zaključak kojim će odbaciti podnesak zbog nenadležnosti i zaključak odmah dostaviti stranci.

Cijeneći prethodno navedeno, u skladu sa članom 65. stav (4) Zakona o upravnom postupku FBiH ("Službene novine FBiH" broj 2/98, 48/99 i 61/22), odlučeno kao u dispozitivu zaključka.

Pouka o pravnom lijeku:

Protiv ovog zaključka dopuštena je posebna žalba Ministarstvu odgoja i obrazovanja Kantona Sarajevo, ul. Reisa Džemaludina Čauševića broj 1, Sarajevo, u roku od 8 dana od dana prijema istog, putem pošte ili neposredno organu koji je donio zaključak (Sarajevo, ul. Aleja Bosne Srebrene bb).

GLAVNI KANTONALNI INSPEKTOR PROSVJETNE INSPEKCIJE



Dostavljeno:

1. Marijela Hašimbegović
zastupnica u Skupštini KS
ul. Reisa Džemaludina Čauševića broj 1, 71 000 Sarajevo
2. a/a